



DEO OPTIMO MAX.

UNI ET TRINO,

VIRGINI DEI-PARÆ, ET S. LUCÆ  
Orthodoxorum Medicorum Patrono.

# QUÆSTIO MEDICA,

CARDINALITIIS DISPUTATIONIBUS  
*manè discutienda in Scholis Medicorum, die Jovis vigesima-quartâ  
mensis Martii, Anno Domini M. DCC. LVII.*

M. JOANNE - BAPTISTA - LUDOVICO CHOMEL,  
Academiæ Cenfore, Facultatis Exdecano, Medico Regis or-  
dinario, & Regii Medicorum Collegii Nanceiani Socio Ho-  
norario, Doctore Medico, Præsîde.

*An in ætate mediâ variorum indulgendum cibo?*

I.



TAS, illud vitæ spatium quo manifesta fit animi corporisque  
mutatio, cum variis anni tempestatibus comparari potest. Nul-  
la semper florer; puerorum infirmitas, juvenum ferocitas, gra-  
vitas constantis ac mediæ ætatis, maturitas senectutis suo quo-  
vis tempore percipiuntur, sua cuique parti ætatis data tempes-  
tivitas, suus est ortus ac interitus. Tenebrosissimum ineuntis  
& incipiæ ætatis tempus excipit florens ætas cui fervor inest, quo progre-  
diente omnia sunt in dies mitiora. Juventutem ut plurimum emendar usu  
doctæ gravis & constant ætas regenda mox & ipsa redarguenda senum ætate

A

(\*) Cicero  
Tuscul. Lib. 1.

maturissimâ quæ in æstimatione conquiescit. Cùm autem æta honestè & splendide superior ætas tantam asserat consolationem, ut eos qui ita vixerint, aut non tangat ægritudo, aut perleviter pungat animi dolor, non ætatis progressum ad saniora rediturus expectes. Non cani, non rugæ autoritatem arripiunt; fructus quos meruerint hominibus severissimè retribuiuntur, nec præterita ætas quamvis longa, (\*) stultam senectutem unquam permulcebit. Et cùm ventris ac gulæ vitia nudum minuatur ætas, ea ut plurimum augeat, ea sit per vitæ curriculum assueta victus ratio quæ cuiusque ætatis naturam æstimet, sustentando corpori consulat, illiusque jacturas resarciat.

## I I.

**E**T sanè nec alimentis nec eorum præparatione quandoque nocivâ indigemus, nisi indefinenter è corpore avolans substantia aliam de novo exposceret viribus reparandis ac sustentandis, obeundisque corporis functionibus maximè idoneam. Toti igitur esse debent Medici non solum ut corrigant ciborum qualitates, sed ut eam alimentorum præscribant quantitatem quæ cuique ætati ac temperamento utiliore existimaverint. Sic ætas iniens quæ calida & humida, perpetuo motu eoque necessario movetur irrequieta, frequentiori, leviori ac simplicissimo pabulo gaudet quo partes molles ac delicatulæ expansioni fiant habiles, elongentur non rigescant, perpetuo madeant rore nec unquam siccantur. Hinc illa ætas maximè arcenda est à libidinibus quibus & calor absumeretur retardareturque accretio. Juventus, vitio parentum rara ætas, in qua corpus magis ac magis adolescit, caveat ab alimentis quæ fervorem nativum accendant, constantemque seu mediam ætatem accelerent: gaudeat equis, illam castra & bella juvent, in labore improbo animi, corporisque patientiâ exerceatur, nec unquam illius industria in antelucanis cœnis expromatur. Sic suo tempore læti juvenes spectatissimâ optimâque consistenti ætate fruuntur, quæ, cùm sola pari corporis animique impetu rerum gravitatem sustineat, servando nervorum robori consulere debet. Adhibeatur itaque cibi potionisque moderata quantitas quam præsens corporis status exposulat ad reficiendas vires, non opprimendas: sin verò præmatura senectus morborum iliade vexabitur.

## I I I.

**I**N ætate mediâ seu constanti universæ corporis partes in ultimum extensionis accretionisque gradum perventæ, ad imminutionem decretionemque seriùs occyùse properabunt prout salubribus artis latricæ consiliis plus minusve benignam autem accommodaverit hæc ætas. Cum autem universa naturæ corpora quæ aluntur & crescunt, in se vim caloris contineant sine quâ non solum nec ali nec crescere, sed etiam nec constare diu possunt, ad custodiam salutaris ignis sedulò invigilandum est, ne aut vividior enutritus pabulo flammam citiùs concipiat ac in auras pervolet, aut majori & inutili alimentorum pondere pressus, necessariâ defraudatus ventilatione suffocatus occumbat. Humanum quippe corpus constat solidis fluidisque partibus motu reciproco donatis. Per humorum fluentium circumductionem, perpetuamque solidorum actionem minimæ partes deteruntur, detritæ liquoribus immiscentur, moventur, exhalant; fluida quoque attritu repetito, constanti motu secretionibus innumeris depauperata imminuuntur, ad exhalantia vasa affatim appellant, foras ubertim protruduntur: ipsis tamen laus est propria ut facilius possint resciri quàm solida quæ licet à liquidis orta esse videantur, (ut in ovo incubato demonstratur) tamen quiete, fluidorum oggerentium coactione, inspissatione, siccitate indurantur, frigent, senescunt, moriuntur. Quæ simplex insulsa levissimaque debet esse lympa, apta nata vires reficere, partes evolvere ac nutrire, ex partè solidorum exposcit motum liberi:

mum evolutissimumque ut subtilis atteratur & fluat. Motum hunc adeo salu-  
 rem ac necessarium, non diuturniorem pollicentur fibræ ad rigiditatem in-  
 durationem siccitatemque heu nimium à naturâ dispositæ! Politâ igitur prin-  
 cipiorum corporis structurâ & indole, illud fertur in ruinam ineluctabilem  
 quam tamen ex victûs prudenti ratione ac normâ retardare ac protrahere  
 posse gloriatur ars medica nec immeritò. Sit enim vigiliarum & studii sco-  
 pus ut liquoribus concilietur fluiditas ne spissentur, fibris mollities ne rige-  
 cant: ubi nulla amplius vasorum requiritur evolutio, accretio, elongatio, non  
 frequentiori & abundantiori cibo ingurgitentur, ne vis virium naturæ quæ  
 priûs in ampliandis fibris distracta erat, in eis angustandis, siccandis & indu-  
 randis impedita sit ac distenta. Etenim in mediâ ætate quælibet imminuun-  
 tur organorum actiones, graviori passu incedit pulsus, lentior in dies evadit  
 solidorum actio; non igitur plus laboris, vel animo, vel corpori imponat  
 virilis ætas quàm animi vigor, vel corporis vires suaviter admittunt, non  
 plus ventriculo addatur cibi quàm fert ætas, seu natura postulat, & tunc  
 morborum sævitiam vitare, longævitatæ fructus percipere, viridem senectam  
 (vitæ sobriæ præmium) experiri, placidumque vitæ finem obire non erit  
 adeo arduum.

#### I V.

**V**ARIAS inter hominis ætates nulla periculosius gulæ vitis cibique er-  
 roribus afficitur quàm virilis ætas, nulla proinde certâ victûs ratione ma-  
 gis refrænanda. Quos enim singulæ ætates propriis armis repellunt avidi ven-  
 tris ictus, hæc iisdem nuda patet: & quidem juveniles annos quandoque ve-  
 xat succorum redundancia: at citò caloris humidi potente vi & actione eleva-  
 tur, ad exercitia cujuscumque generis spontaneâ alacritate dissipatur, tan-  
 dem debitâ partium accretione consumitur. In senibus vasa siccitate rigida,  
 vel flacciditate debilia plethoram difficulter admittunt, admissamve incaute  
 facili negotio paulò post faventibus emunctoriis evacuant ac rejiciunt, vel  
 in pituitam vertunt facilem & abundantem. At verò in ætate mediâ leges so-  
 brietatis non impunè diu spreveris. Omnes enim succi alibiles facillimè pa-  
 rantur, retinentur & asservantur. Saliva arteriosi sanguinis progenies mastica-  
 tionis tempore abundanter effluens, succi gastrici vicaria, bilis æmula, ci-  
 bos apprimè diluit & dividit; bilis saponaceâ qua pollet indole chylum ef-  
 ficaciter elaborat, inde in ætate consistenti corpus faciliùs saginatur, pingues-  
 cit splendidamque sanitatis imperiti vulgi oculis præfert speciem. At quantum  
 ex istâ specie bonorum surgere amaritudinis? Quanta ex ipsamet securitate  
 mala? Dum enim pinguescit corpus, inertes fiunt succi & solidorum immi-  
 nuitur actio. Aliundè frequenti ac nimia alimentorum usurpatione distendun-  
 tur ventriculi fibræ & de tono deperdunt. In intestinorum tractu pluribus inter-  
 calatis digestionibus peristaltica rumpitur actio, eoque molestiùs quòd aer in-  
 clusus nimiumque rarefscens, sub importuno flatuum nomine notissimus for-  
 tiùs expandatur, abdominisque angustentur viscera. Hinc aortâ descenden-  
 tem compressâ, crassior & exundante sero adhucdum turgidus sânguis supe-  
 riora petit vasa, organa nobiliora ingurgitantur, anfractuosa mollioris cere-  
 bri substantia varicibus sædatur, cerebro compresso, vel stagnante succo ner-  
 veo apparent apoplexiæ prodromi vertigines, membra stupor invadit, su-  
 pervenit morbus attonitus vel immedicabilis resolutio; lymphæ malè sub-  
 acta spissescit, hæret, pulmones subit, & dyspnœam, catharrum, vel hydro-  
 pem prænuntiât; difficili bile tumens jecur fervido irritatur calore, vel ob-  
 structionibus & schirro induratur; turgent & incallescunt hæmorrhoides; tan-  
 dem ne salubri exercitio tantas ægritudines valeant excutere, arthritis artus  
 occupat & malè torquet. Tot verò mediæ ætatis affectus frequenti cibo &

4

opiparæ mensæ adscribendos, utut prima artis Medicæ elementa sapiat, nemo inficiabitur. Novo quippe succo non oppleantur viscera, vitali quo polent motu pondus inutile excurient, interpositâ quiete novas resument vires, assueta redintegrabunt munia, morborumque assultus præcavebunt ac ludent. Quid autem inter assumenda alimenta intervalli esse debeat, pro variâ subiecti naturâ, temperamenti indole, vitæ consuetudine, regione, anni tempestate, sexu diverso, corporis exercitio prudens æstimabit Medicus, toto sanè aberraturus cælo, nisi attendat in ætate mediâ cibum frequentem sanitati quamaximè adversum, salubriorem verò si rarò concedatur.

V.

**A**T verò, inquires; plus sobrietati adversantur hæ nostræ sobrietatis leges quàm ipsamet immoderatæ gulæ incontinentia. Quos enim raris assuetos mensis videmus, eosdem ultra necessitatis & naturæ vorum edere magistra docet experientia. Fame quippè eneçti factique edaces avido ore alimenta quævis & absque delectu insalutatâ masticatione deglutientes in ventriculeum astatim protrudunt cum gravi sanitatis periculo. Ita sanè; quoties à frequenti discedent mensâ, ut opiparæ studiosius accumbant. Nec ea est consilii nostri ratio: quid valeat, quid ferre recuset stomachus, præcipuè attendant mediæ ætatis homines; quam corpus reficiendum & instaurandæ vires exposcunt, & quidem rarò & ad normam sobrietatis usurpent cibi quantitatem, à mensâ surgant agiles ad expedienda negotia, citrà saturitatem vescantur, fame depulsâ, recreatis viribus, labore & exercitio rursum firmatis, dormiant ut plurimum incenati si blandiorem salutaris somni suavitatem haurire velint. Naturalis quippe somnus irrepit à remissiori spirituum influxu, & præsertim à penuriâ subtilissimi succi nervei labore & exercitio consumpti. Quamlibet aliam somni causam nedum fovendam quin longè fugiendam arbitramur. Si enim oriatur somnus ab ingestione nimîa & remorâ in ventriculo cibi solidioris tenaciorisque, aut à potu copioso liquoris vegetabilis fermentati ac maximè spirituosî, aut ab aromaticis penetrantibus fragrantissimis, tandem à quâvis aliâ causâ eâque multiplici quæ appulsum sanguinis vitalis impediât in corticem cerebri, ejusque transitum per illius vasa turbet vel retineat, necessaria sequetur œconomix animalis ruina. Aliundè in somno etiam naturali, augetur motus cordis, pulmonum, arteriarum, viscerum; humorum vitalium circuitus validior est & æquabilior per canales inferiores & ingressui patentiores, ut pote musculorum actione nusquam impeditos. Impulsis itaque fortius per vasa majora liquidis, per vasa lateralia debilius hæc moventur imò & in minimis quiescunt, unde pinguedo coarcescitur. Propioribus ergò somno cibo repleti non expedit, imò prorsus inutile, cum eadem ferè sint formi & cibi vices, idem munus & officium. Et enim in somno naturali chili materies in lympham enutrientem & in tenuiores humores quamoptimè commutatur, substantia deperdita blandè recuperatur, humores restituuntur, humoribus de novo productis & fluentibus succo nervo appellente partes ad motum excitantur, redeunt musculis, agilitas, nervi vires, mentique vigor; secus verò ex dictis, si cibo graves sopori mortis consanguineo sua membra dare non reformident.

*Ergo in ætate mediâ rariori indulgendum cibo.*

Proponebat, Parisiis GUILLELMUS BERTHOLD, Salino-Bisuntinensis, Saluberrimæ Facultatis Medicinæ Parisiensis Baccalaureus,  
A. R. S. H. 1757, A. SEXTA. AD MERIDIEM.

Typis Viduæ QUILLAU, Universitatis & Facultatis Med. Typographi, 1757.